

פנים אמר יהוה צבאות¹⁰ מי גם בכס ויסגר דלתים ולא תאירו מזבחי חנם אין לי חפץ בכס אמר יהוה צבאות ומנחה לא ארצה מידכם¹¹ כי ממזרח שמש ועד מבואו גדול שמי בגוים ובכל מקום מקטר מגש לשמי ומנחה טהורה כי גדול שמי בגוים אמר יהוה צבאות¹² ואתם מחללים אותו באמרכם שלחן אדני מגאל הוא וניבו נבזה אכלו¹³ ואמרתם הנה מתלאה והפחתם אותו אמר יהוה צבאות והבאתם גזול ואת הפסח ואת החולה והבאתם את המנחה הארצה אותה מידכם אמר יהוה¹⁴ וארור נוכל ויש בעדרו זכר ונדר זבח משחת לאדני כי מלך גדול אני אמר יהוה צבאות ושמי נורא בגוים

2 ועתה אליכם המצוה הזאת הכהנים² אם לא תשמעו ואם לא תשימו על לב לתת כבוד לשמי אמר יהוה צבאות ושלחתי בכס את המארה וארותי את ברכותיכם וגם ארותיה כי אינכם שמים על לב³ הנני גער לכם את הזרע וזריתי פרש על פניכם פרש חגיכם ונשא אתכם אליו⁴ וידעתם כי שלחתי אליכם את המצוה הזאת להיות בריתי את לוי אמר יהוה צבאות⁵ בריתי היתה אתו החיים והשלום ואתנם לו מורא וייראני ומפני שמי נחת הוא⁶ תורת אמת היתה

unexpected reading.

Malachi

מלאכי

1 משא דבר יהוה אל ישראל ביד מלאכי² אהבתי אתכם אמר יהוה ואמרתם במה אהבתנו הלוא אח עשו ליעקב נאם יהוה ואהב את יעקב³ ואת עשו שנאתי ואשים את הריו שממה ואת נחלתו לתנות מדבר⁴ כי תאמר אדום רששנו ונשוב ונבנה חרבות כה אמר יהוה צבאות המה יבנו ואני אהרוס וקראו להם גבול רשעה והעם אשר זעם יהוה עד עולם⁵ ועיניכם תראינה ואתם תאמרו יגדל יהוה מעל לגבול ישראל⁶ בן יכבד אב ועבד אדניו ואם אב אני איה כבודי ואם אדונים אני איה מוראי אמר יהוה צבאות לכם הכהנים בוזי שמי ואמרתם במה בזינו את שמך⁷ מגישים על מזבחי לחם מגאל ואמרתם במה גאלנוך באמרכם שלחן יהוה נבזה הוא⁸ וכי תגשון עור לזבח אין רע וכי תגישו פסח וחלה אין רע הקריבהו נא לפחתך הירצך^{pQ} או הישא פניך אמר יהוה צבאות⁹ ועתה חלו נא פני אל ויחננו^U מידכם היתה זאת הישא מכם

Q Marks a place where we agree with BHQ against BHS in reading L.

p We read punctuation in L differently from BHS.

U We agree with both BHS 1997 and BHQ on an

כל עשה רע טוב בעיני יהוה ובהם הוא
חפץ או איה אלהי המשפט

3 הנני שלח מלאכי ופנה דרך לפני
ופתאם יבוא אל היכלו האדון אשר אתם
מבקשים ומלאך הברית אשר אתם
חפצים הנה בא אמר יהוה צבאות ² ומי
מכלכל את יום בואו ומי העמד בהראותו
כי הוא כאש מצרף וכברית
מכבסים ³ וישב מצרף ומטהר כסף וטהר
את בני לוי וזקק אתם כזהב וככסף והיו
ליהוה מגישי מנחה בצדקה ⁴ וערבה
ליהוה מנחת יהודה וירושלם כימי עולם
וכשנים קדמניות ⁵ וקרבותי אליכם
למשפט והייתי עד ממהר במכשפים
ובמנאפים ובנשבעים לשקר ובעשקי
שכר שכיר אלמנה ויתום ומטי גר ולא
יראוני אמר יהוה צבאות ⁶ כי אני יהוה
לא שניתי ואתם בני יעקב לא
כליתם ⁷ למימי אבתיכם סרתם מחקי ולא
שמרתם שובו אלי ואשובה אליכם אמר
יהוה צבאות ואמרתם במה
נשוב ⁸ היקבע אדם אלהים כי אתם
קבעים אתי ואמרתם במה קבענוך
המעשר והתרומה ⁹ במארה אתם נארים
ואתי אתם קבעים הגוי כלו ¹⁰ הביאו את
כל המעשר אל בית האוצר ויהי טרף
בביתי ובחנוני נא בזאת אמר יהוה
צבאות אם לא אפתח לכם את ארבות
השמים והריקתי לכם ברכה עד בלי

בפיהו ועולה לא נמצא בשפתיו בשלום
ובמישור הלך אתי ורבים השיב מעון ⁷ כי
שפתי כהן ישמרו דעת ותורה יבקשו
מפיהו כי מלאך יהוה צבאות הוא ⁸ ואתם
סרתם מן הדרך הכשלתם רבים בתורה
שחתם ברית הלוי אמר יהוה
צבאות ⁹ וגם אני נתתי אתכם נבזים
ושפלים לכל העם כפי אשר אינכם
שמרים את דרכי ונשאים פנים בתורה ¹⁰
¹⁰ הלא אב אחד לכלנו הלא אל אחד
בראנו מדוע נבגד איש באחיו לחלל
ברית אבותינו ¹¹ בגדה יהודה ותועבה
נעשתה בישראל ובירושלם כי חלל
יהודה קדש יהוה אשר אהב ובעל בת אל
נכר ¹² יכרת יהוה לאיש אשר יעשנה ער
וענה מאהלי יעקב ומגיש מנחה ליהוה
צבאות ¹³

¹³ וזאת שנית תעשו כסות דמעה את
מזבח יהוה בכי ואנקה מאין עוד פנות אל
המנחה ולקחת רצון מידכם ¹⁴ ואמרתם
על מה על כי יהוה העיד בינך ובין אשת
נעוריך אשר אתה בגדתה בה והיא
חברתך ואשת בריתך ¹⁵ ולא אחד עשה
ושאר רוח לו ומה האחד מבקש זרע
אלהים ונשמרתם ברוחכם ובאשת
נעוריך אל יבגד ¹⁶ כי שנא שלח אמר
יהוה אלהי ישראל וכסה חמס על לבושו
אמר יהוה צבאות ונשמרתם ברוחכם
ולא תבגדו ¹⁷ הוגעתם יהוה
בדבריכם ואמרתם במה הוגענו באמרכם

ומשפטים²³ הנה אנכי שלח לכם את אליה הנביא לפני בוא יום יהוה הגדול והנורא²⁴ והשיב לב אבות על בנים ולב בנים על אבותם פן אבוא והכיתי את הארץ חרם

End of Malachi

די¹¹ וגערתי לכם באכל ולא ישחת לכם את פרי האדמה ולא תשכל לכם הגפן בשדה אמר יהוה צבאות¹² ואשרו אתכם כל הגוים כי תהיו אתם ארץ חפץ אמר יהוה צבאות¹³ חזקו עלי דבריכם אמר יהוה ואמרתם מה נדברנו עליך¹⁴ אמרתם שוא עבד אלהים ומה בצע כי שמרנו משמרתו וכי הלכנו קדרנית מפני יהוה צבאות¹⁵ ועתה אנחנו מאשרים זדים גם נבנו עשי רשעה גם בחנו אלהים וימלטו¹⁶ אז נדברו יראי יהוה איש את רעהו ויקשב יהוה וישמע ויכתב ספר זכרון לפניו ליראי יהוה ולחשבי שמו¹⁷ והיו לי אמר יהוה צבאות ליום אשר אני עשה סגלה וחמלתי עליהם כאשר יחמל איש על בנו העבד אתו¹⁸ ושבתם וראיתם בין צדיק לרשע בין עבד אלהים לאשר לא עבדו¹⁹ כי הנה היום בא בער כתנור והיו כל זדים וכל עשה רשעה קש ולהט אתם היום הבא אמר יהוה צבאות אשר לא יעזב להם שרש וענף²⁰ וזרחה לכם יראי שמי שמש צדקה ומרפא בכנפיה ויצאתם ופשתם כעגלי מרבק²¹ ועסותם רשעים כי יהיו אפר תחת כפות רגליכם ביום אשר אני עשה אמר יהוה צבאות פ זכרו תורת משה עבדי אשר צויתי אותו בחרב על כל ישראל חקים

The Westminster Leningrad Codex
Version 4.16

Malachi

Attributed to:

Shemu'el ben Ya'akov
Aharon ben-Mosheh ben-Asher
ca 1008

Active maintenance of machine-readable version:

Stephen K. Salisbury, Editor
steve@grovescenter.org

Kirk E. Lowery, Senior editor
kirk@grovescenter.org

Transcription to Unicode/XML:

Christopher V. Kimball
transcriber@tanach.us

Edition:

Unicode/XML Westminster Leningrad Codex
<http://www.tanach.us/Tanach.xml>

Transcribed by WLC2XML of 6 Jun 2010 at 01 Jun 2012 @ 10:24.07. Build number:
23.0. Converted to ODT by XML2ODT.xml dated 22 Dec 2010 on 2012.06.01-10.27.
Build number: 23.0 . 4 pages. Layout: Full; Content: Consonants.

This document is in the public domain.